

misch vnder einander / vnnnd legts vber das
gleich der hufft / Vnnnd das will ich sagen/
es sey mir darumb feind wer da wolle / das
ich mit gemeltem Kot / mit Pfersich stain öl
zerknischt / vnnnd vbergeschlagen / vnzelich
vil von langwirigem Hauptweh erlediget
hab.

Von dem Gans Kot.

Galenus sagt / das das Storcken / vnnnd
Gans Kot zu nichten gut sey / dieweil es gar
zu scharpff ist. Ich hab aber so vil inn der
erfarung gesehen / vnd in vngleichen Leüt
ten / oder Complexionen / das ich gleich der
warhait zum schutz gezwungen wirt / zusas
gen das Galenus nye erfahren habe / wie
nuzlich dises Kot seye. Dann auff ein zeyt
ein Barsüßer Mönich gewesen ist / der het
alle tag vor seiner Thür bey den hundert
Personen / die da begerten von der Geels
sucht quit / vnd ledig zu werden / Vnnnd die
warhait zubekennen / so schicket er keinen
von ihm / er were dann gesund. Vnd damit
ihm diese handthierung desto mehr einträge
(wiewol solche leut dem Gelt nicht so hoch
nachtrachten solten) gab Er ihnen zuver
stehn / vñ beredets dahin / dz sie vermaineten

es wer gar ein köstliche spezerey / die vil kostete / vnd von bisem / ambra vnd perlen zubereytet were / aber es ist letzlich der betrug an tag kommen / dann ein gütter Gesell so he jm zwo Gens auff / vnnnd zeyget mir an / der Brüder brauchete nichts anders / dann Gansfrot / vnd geb jnen alle morgen nüchteren ein quintelin inn weissem wein ein / vnnnd tryb dasselbig acht tag an einand. Welches ich nachmals in der erfahrung bey vilen / zu grossen lob vnserer kunst / warhafftig befunden hab.

Vom Zennen Kott.

Dioscorides schreibe dem Zennen Kott kein andere Tugend zu / dann das es sehr dienstlich ist zu dem Brandt / wann man Rosenöl darunder mischet / vnnnd es also überschlecht. Galens aber vnnnd Aegineta sagen / das Zennen Kott mit Orymel zerknischt / von stundan die jhenige erlöset / so giftige pffferling gessen haben / vnnnd den Athem derohalben nimmer gewinnen mögen / dann alsbald ein zecher schleym von ihnen oben außbricht. Welches ich zu Lisibona inn zwey Edlen Knaben des Königs auß Portrugal / warhafftig befunden hab.

Mit